



Sud Bosne i Hercegovine  
Kabinet predsjednika Suda

Суд Босне и Херцеговине  
Кабинет председника Суда

Sud Bosne i Hercegovine  
Ured predsjednika Suda

Bosna i Hercegovina  
Federacija Bosne i Hercegovine  
PARLAMENTI FEDERACIJE  
SARAJEVO

Broj: Su: 10-357/24  
Sarajevo, 15.07.2024. godine

Org. jed.	Broj	Priloga	Vrijeme
0511	-02-	396	124

PREDSTAVNIČKI DOM  
PARLAMENT FEDERACIJE BOSNE I HERCEGOVINE  
BOSNE I HERCEGOVINE  
Ul. Hamdije Kreševljakovića br. 3  
Sarajevo

**PREDMET:** Odgovor na poslaničko pitanje, *dostavlja se*

**Veza:** *Vaš akt broj: 02/1-02-396/24 od 27.06.2024. godine*

Poštovani,

Dana 03.07.2024. godine, u Sudu Bosne i Hercegovine zaprimljen je Vaš akt, broj i datum Veze, kojim se od ovog Suda traži odgovor na poslaničko pitanje Admira Čavalića, kako slijedi:

- „Da li je istina da nema dostupnih finansijskih sredstava za potrebe troškova za branioce po službenoj dužnosti i ako jeste, onda me zanima ko je odgovoran za navedeno, tj. Kako obezbijediti potrebna sredstva?“

U vezi sa navedenim, dostavljamo Vam odgovor na Vaše poslaničko pitanje:

Plaćanje pravnih usluga za koje ste postavili poslaničko pitanje, se odnosi na troškove branilaca koje po službenoj dužnosti postavlja Sud u slučajevima i način definisan članom 45. i članom 46. Zakona o krivičnom postupku Bosne i Hercegovine (ZKP BiH), dok je članom 186. stav 2. ZKP BiH, propisano je da se zahtjev s podacima o visini troškova može podnijeti najkasnije u roku o šest mjeseci od dana dostavljanja pravosnažne presude ili rješenja o obustavi krivičnog postupka osobi koja ima pravo da postavi takav zahtjev. Imajući u vidu citiranu zakonsku odredbu, izuzetno je teško prognozirati ukupno potrebna sredstva na ovoj poziciji, jer branioци mogu potraživati troškove u bilo kojoj fazi trajanja postupka, što se u praksi konstantno i dešava. S tim u vezi, nalazimo bitnim za istaći da je tokom 2023. godine, pred Sudom BiH došlo do značajnog

Sud Bosne i Hercegovine, Sarajevo, ul. Kraljice Jelene br. 88;  
Telefon: +387 33 707 100, 707 301, Fax: +387 33 707 320



povećanja ovih troškova, uslovljeno povećanjem broja predmeta koji se vode pred Odjelom I za ratne zločine i Odjelom II za organizovani kriminal, privredni kriminal i korupciju, sa velikim brojem osumnjičenih i optuženih lica, iz kojih razloga je određen dio obaveza prenešen u 2024. godinu.

U nastojanju omogućavanja nesmetanog i zakonitog rada u okviru svojih nadležnosti i mogućnosti, Sud BiH je u prethodnom periodu izvršio dva prestrukturiranja budžeta u cilju blagovremenog osiguranja sredstava za ovu namjenu, te je zatražena i tekuća rezerva u decembru 2023. godine. U citiranom periodu, Ministarstvo finansija i trezora BiH nikada nije odgovorilo na predmetni zahtjev, niti dalo svoje mišljenje na dostavljeni prijedlog Odluke o odobravanju sredstava tekuće rezerve Budžeta institucija BiH i međunarodnih obaveza BiH za 2023. godinu i OFP obrazac, iz kojih razloga formalni prijedlog nikada nije ni upućen na sjednicu Vijeća ministara BiH. Shodno tome, u 2024. godinu su prenijete obaveze nastale u toku 2023. godine po osnovu troškova branilaca po službenoj dužnosti u ukupnom iznosu od 277.128,96 KM.

Istovremeno, ističemo da je na snazi privremeno finansiranje institucija BiH, te da sredstva osigurana operativnim planom Suda za period januar-mart 2024. godine, nisu bila dovoljna za izmirenje svih obaveza, zbog čega se Sud, 23.04.2024. godine, ponovo obratio Ministarstvu finansija i trezora BiH sa prijedlogom Odluke o odobravanju sredstava tekuće rezerve za I kvartal 2024. godine, u ukupnom iznosu od 700.000,00 KM, na šta je Sud BiH dobio pozitivno mišljenje, ali tek u prvoj sedmici jula 2024. odnosno po ulasku u novi kvartal.

Također, o svemu navedenom je Sud BiH u prethodnom periodu informisao i Ministarstvo pravde BiH, imajući u vidu da se radi centralnom koordinirajućem organu u oblasti pravosuđa u Bosni i Hercegovini koji osigurava zakonske pretpostavke za rad pravosudnih institucija na državnom nivou.

U konačnici, ovim putem Vas obavještavamo da je sa danom 30.06.2024. godine, započeto plaćanje troškova branilaca po službenoj dužnosti, koje se vrši sukcesivno, u skladu sa raspoloživim sredstvima, redosljedom kako su i zaprimljeni i evidentirani. Zaključno sa datumom predmetnog akta, a na osnovu privremenog operativnog plana u junu i julu tekuće godine, obezbijeđen je određen iznos sredstava na poziciji ugovorenih usluga, na osnovu čega su izmirene sve obaveze koje se odnose na zahtjeve za isplatu troškova advokata – branilaca po službenoj dužnosti iz 2023. godine, te manji dio troškovnika iz 2024. godine. Nakon usvajanja budžeta za 2024. godinu, bit će izmirene i sve obaveze stvorene u tekućoj godini.

S poštovanjem,

